

河南洛陽縣志

清嘉慶十八年

陸繼輅魏襄同纂

洛陽縣志卷五十八

洛陽縣知事曾炳章重印

舉

人陸繼輅

同纂

清

洛陽縣知縣魏

襄

列女傳三

周逢庚妻梅氏二十三歲殉夫乾隆卅四年旌

故明福藩儀賓王珽英妻朱氏崇禎辛巳流寇陷洛珽
英死之朱方尋岩穴避難忽家人馳報即投崖死前
志遺今補

李福女四姐未嫁而夫謝克溫死女絕食七日囑其母
曰必以屍歸謝氏母許之乃瞑

李遂女香姐偕鄰女采棉於野有劉奇者挑其女伴香

姐不平助誓之劉奇志語益穢并侵香姐香姐以為
辱會濱洛河遂投亂流中以死乾隆五十六年 旌
董彬妻李氏二十一歲寡不食死子曰其誥

符克已聘妻杜氏夫亡守志越二年姑以未婚故卒欲
嫁之氏泣曰新婦所以不即死者徒以姑在耳今乃
不諒何以生為遂雉經死

何呈瑞聘妻王氏未嫁殉夫

趙雙聘妻孫氏未嫁守志孝事舅姑後以老壽終

秀蘭侯其姓有欲娶為遙室者秀蘭雅不欲強之雉經
死 案秀蘭之死非法也以縣人所艷稱姑附存之

郭丙申聘妻梅氏未嫁殉夫嘉慶十二年 旌

關詩聘妻張氏未嫁守志孝事舅姑後以老壽終
楊平邦聘妻劉氏小字孝姐夫亡孝姐年甫十四周請
犇喪凡守志五十四年卒

姚殿蘭女字鄧氏鄧氏子不知所往其父言於姚俾女
他適女不可願歸事舅姑姑疾女不解帶者二年

高午聘妻于氏未嫁守志年甫十三

范安印妻李氏夫亡守志二十餘年舅姑既沒嗣子君
錫娶婦乃曰吾事畢矣不食而死

馬三妻王氏年十九而寡以方有姪也冀生男以延夫
嗣比育乃女不食死

許萬福妻賈氏諸生兆瑞女二十五歲寡孝事孀姑姑

歿不食死有子曰玠

方有仁妻蔡氏夫有廢疾氏侍奉維謹夫卒無子父母
舅姑俱欲嫁之投井中死

李登瀛妻張氏十九歲守志事姑至年四十姑歿不食
死嗣子曰文聚

郭思重妻董氏年二十三夫亡欲以身殉以有姪不果
比育乃女也遂絕粒或曉之曰汝死誰哺汝女者女
獨非汝夫遺體耶氏乃復食久之女免乳仍不食死
孫家彥妻黃氏二十二歲寡紡績事姑凡三十一年姑
歿雉經死

李鶴齡妻王氏二十三歲殉夫遺孤曰林一諸生

張梅林妻李氏二十六歲殉夫

柴大智妻袁氏二十一歲寡越明年雉經死

諸生張金河繼妻章氏十八歲殉夫

武生王朝用妻董氏二十八歲寡欲以身殉家人護之

謹竟以毀卒距朝用死未匝月孫丙耀中乾隆壬午

舉人官五河縣知縣

朱胄義妻馬氏二十三歲寡以舅老不果殉舅歿既葬

雉經死

魏長昇妻田氏十八歲寡既終喪不食死嗣子曰芳

鄧觀成妻閻氏十九歲寡舅有痼疾侍奉湯藥六年舅

病愈雉經死

雷振興妻李氏二十一歲寡既葬不食七日卒

李興妻楊氏二十二歲寡以遺孤故不果殉明年孤子

殤遂不食死

魏大俊妻孫氏十九歲殉夫

韓正中妻張氏二十三歲寡無子家酷貧自厭糠粃而

以甘旨奉舅姑十餘年舅姑相繼歿遂雉經死

郭鎮國妻邢氏二十二歲寡食貧事姑越二十四年姑

卒遂飲藥死

韓世鳳妻王氏二十三歲殉夫

任學御妻王氏十八歲寡守志

徐秉鐸妻許氏早寡守志

李順妻余氏父名大湖二十七歲寡年六十二卒

尤登寶妻裴氏嫁逾年姑以產亡遺孤曰登蘭育於裴未幾登寶亦卒裴以登蘭故不果殉數年登蘭就外傳裴寢疾醫來卻之曰未亡人所以不即死者徒以叔耳叔既無需保抱何以生為卒不肯治而歿

王開基妻段氏二十一歲寡舅受富室子金謀奪婦志遂雉經死事在乾隆四十年四月初十日

杜羣妻閻氏三十歲寡無子而有二女數年嫁女畢雉經死

周鴻文妻李氏二十歲寡母家謀奪其志雉經死

周典妻范氏母家在盧氏之白馬廟歸寧值教匪為亂

賊衆且至范呼曰吾兩姓詩禮之家義不可辱急投菜園井中死事在嘉慶二年

許氏白口聘妻未嫁殉夫

口口妻李氏殉夫

諸生張士升妻董氏二十七歲寡七十九卒撫伯之子
鳴珂及己子六庚並為諸生

王松妻李氏二十二歲寡守志三十四年

王玉魁妻馬氏十八歲寡守志三十二年

王存禮妻高氏二十三歲寡守志五十五年

張有才妻王氏二十八歲守節撫孤

王德義妻張氏二十一歲守節事姑撫嗣子嘉秀成立

魏三公妻張氏二十五歲守節孝事祖舅姑

劉培元妻馮氏十九歲守節事姑撫嗣子長生成立

周白妻謝氏十九歲守節撫嗣子泰交成立

郭珩妻董氏二十歲寡兄守志四十一年

孫秉成妻李氏二十三歲守志事姑姑歿以毀卒

任超選妻徐氏二十五歲寡守志四十三年子慶

任蓉妻張氏三十歲寡守志五十一年

昌進元繼妻宋氏父名世有二十三歲寡守志五十六

年

魏繁福妻吉氏二十一歲寡守志五十四年

武殿安妻翟氏二十九歲寡守志五十三年

武定國妻白氏貢生大成女二十六歲寡守志三十四
年子得功武生

溫光聚繼妻陳氏二十七歲寡守志五十年

牛進奇妻朱氏三十歲寡守志五十年

楊超妻劉氏二十一歲寡守志五十五年

王存智妻蕭氏三十一歲寡紡績事姑姑亡營葬衰杖

如子觀者皆垂涕守志六十年嗣孫王臣

周節妻尹氏二十七歲寡守志五十四年

李興加妻王氏十九歲寡守志七十三年子光宗

牛從士妻雷氏二十四歲寡遺孤世臣甫及晬伯之子

曰世奇亦少孤憐而撫之為娶於高世奇早卒高守

志世臣娶於郭生一子曰相卿而世臣亦卒郭亦守志郭年尤少有美色族人謀欲嫁之剪髮自誓相卿之子曰文彪娶於鄭二十一歲守志有司表曰四節之門

周廷乙妻陸氏諸生東陽女二十歲寡守志二十二年史如棠妻郭氏二十五歲寡守志五十二年嘉慶二年旌

郭貴科妻田氏二十一歲寡守志四十二年

郭玉佩妻楊氏嘗刲股療窮疾里人稱孝婦後其孫建元妻王氏二十三歲寡守志四十年建元子發榮

張長庚妻朱氏父名洽二十二歲寡守志二十九年

武生陳經文妻劉氏十八歲寡守志四十三年嗣子永順

趙溶妻張氏十八歲寡守志五十四年嗣子大本

趙淮妻沈氏二十三歲寡守志三十七年嗣子良魁

王國印妻裴氏二十六歲寡守志四十一年嗣孫寧

徐秉鐸妻許氏二十六歲寡守志四十三年

劉伯通妻王氏十九歲寡守志四十三年

楊繼善妻張氏二十二歲寡守志三十八年嗣子啟明

陳晉柏妻李氏父名實頴二十歲寡守志五十年

李口妻牛氏二十三歲寡後以老壽終嗣子文華

李永興妻栗氏二十二歲寡守志四十一年

何潤亭妻王氏二十二歲寡事祖姑以孝聞守志口口
年

李凌霄妻范氏二十四歲寡守志四十二年

李宏猷妻段氏二十五歲寡守志六十年子萬民

金月鈞妻李氏十九歲寡守志四十年已旌

甯書紳妻張氏二十五歲寡守志三十年

李爾正妻胡氏父名思文諸生二十五歲寡守志四十
年

李守中妻呂氏新安忠敬公元孫女也十八歲寡守志
五十五年已旌

石信妻張氏二十五歲寡守志五十年撫己子及伯子

永泰俱成立

郭酉拔妻司馬氏二十歲寡守志六十一年子敏
陳瑤錠妻呂氏十九歲寡瑤錠有兄而無行欲嫁之不
可則不與同爨呂無所得食鳴於官官為之立後守
志五十年

黃煥妻潘氏父名成翰十九歲寡事姑姑以哭子故瞽
潘舌舐之目復明守志四十二年

諸生潘鳴珂妻曹氏早寡課子有義方縣延芳承芳並
補博士弟子員

葉銑霖妻阮氏二十一歲寡守志三十四年已旌

郭從周妻陳氏二十歲寡守志四十年

關麥妻吳氏二十一歲寡守志五十年

任逢辰妻昌氏二十五歲寡守志四十年

洪文道妻宋氏二十一歲文道陣亡宋守志後以老壽

終

李世鳳妻崔氏二十三歲寡守志四十年

胡承康妻董氏二十五歲寡有叔無行董獨養舅姑叔

每自外歸又飲食之叔感愧改過守志三十八年

趙夢朝妻李氏二十四歲寡守志三十年

白見儒妻岳氏二十五歲寡守志口口年

于從龍妻趙氏父名琮十九歲寡守志三十七年

董重輪妻郭氏方伯一鶚曾孫女也二十二歲寡守志

六十四年

劉權妻張氏二十九歲寡守志四十四年

牛發祥妻張氏二十五歲寡守志四十年

劉天倉繼妻李氏二十五歲寡守志二十八年

劉廣重妻牛氏二十二歲寡守志三十一年子泰

劉法召繼妻任氏二十四歲寡守志五十三年嗣子天

同

黃澤深妻王氏二十九歲寡守志四十七年

黃雲錦妻韓氏二十八歲寡守志四十年

李元惠妻劉氏二十九歲寡守志三十七年

徐天祥妻齊氏二十四歲寡守志五十七年